

己編
庚編

下

耆社志
上

耆社志卷十四目

已編五

洛社故事



新編文獻

辛編

卷之十

耆社志卷十四

豐山 洪敬謨 編

已編五

洛社故事

耆英之會自麗朝始蓋倣香山洛社之遺風
而後又有繼之者入我朝仍踵行之因是而
耆老設所上而有錫宴宣醕下而有會讌飾
休歲以為常至我 仁祖乙亥以後社會更
無聞焉間或有耆耆之私自為會者亦視以
本社之例皆昭代之盛事也方其宴會時詩

以記其事盡以模其象要以傳示於後而沈
淪私家無所表見於世亦豈非本社一恨事
乎遂收集耆英會諸文字名以洛社故事以
附于志

後耆英會

太原三年甲申

會負

檢校議政府左政丞權

僖八十六

領議政府事致仕權仲和

庸夫八十三

領議政府事致仕李

舒陽伯七十三

議政府左政丞成石璘

自修六十七

驪興府院君閔

霽仲晦六十六

上洛府院君金士衡

平甫六十四

領議政府事趙

浚明仲五十九

議政府左政丞河

崙仲臨五十八

領司平府事李居易

樂天五十七

領承樞府事李

茂敦夫五十

會約序齒不序官為具務簡潔食不過五味菜
菓脯鹽之類不過五器酒巡無籌深淺自斟主
人不勸客亦不辭微醺為度召客共用一簡客
注可否於字下不別作簡或因事分簡者聽會

日早赴不待促每月以次辦會當辦者有故次
者先辦掌約者六月一過違約者每事罰一巨
觥

後耆英會序

太宗
朝四年

耆英有會尚矣唐之白樂天宋之文潞公俱有洛中
之會當時稱美作圖以傳之吾東方在前朝盛時太
尉崔公譔號雙明齋與其士大夫之老而自逸者七
人慕二公之事始為海東耆英之會約每月逐旬一
集惟以觴詠自娛語不及臧否得失厥後踵而繼之
者為佞佛之席至使老者僕僕而亟拜殊失君子知

命不惑優遊自樂之意矣今領司平府事西原府院
君李公閱家中舊書得其先人所藏雙明齋耆老會
圖序慨然嘆慕邀一時之有勲德重望為衆所尊者
十人為會約自今七十已上德爵俱尊者方許入會
曾經政丞已上者不拘年齒期至永世守而勿失會
中禮式皆倣雙明舊規備錄如左屬予為誌予惟西
原公太尉之彌甥也清德雅量風流高致有光前烈
且能招集耆英紹復此會其交相敬愛雍雍油油以
同其樂和氣從容禮意周洽培養國家之元氣於此
可觀自今此會之相傳當與我國祚同垂於罔極也

夫

永樂二年三月日安東權近記

本社宴會

光海二年庚戌

會負

關

耆老所契屏序

光海二年庚戌

東國耆年之會蓋始於麗祖崔謹謹與弟詵俱以故
相致仕暨若而人結社優遊自樂人至謂地上仙則
其歆艷可想已史稱當神宗朝則麗之中葉也謹實
規模香山洛社之遺風而其後又有繼之者入我朝
仍踵行焉平時社中人姓名錄在卷中新舊各一又

有生綃廣軸之官銜而署者壬辰之亂散佚不存遂
無所考據云記昔年貳尹京兆時與宰臣職居樞府
年耆而預此社者俱入齋衙門樞府與京兆相對也
而宰臣適尹出知我先祖名寄示廣軸則我八代祖
知門下省事諱之彪公具銜而姓手署宛然一時同
社者廉曲城悌臣尹漆原桓兩侍中署在其上敬展
玩而還之其時小子年未五十誠不自意頽齡倏已
古稀爵秩亦馴至九命而得預茲會以續夫八代祖
故事豈非至榮幸鮮覲者哉抑香山白尚書洛中富
鄭公唐宋前後之會有以刺史郎中得預者則但尚

齒無論官之崇庠矣至我朝必年至而官二品方得
預則豈不允難哉至於軼典之可覩記者則英廟
朝宣德壬子年間議政柳寬等講此會成廟朝成
化癸巳申隆寵典賜伎樂內醞珍羞以樂之曾為議
政則雖未七十亦預焉此是舊例然也古云人不可
以無年信乎其不可無年矣無年則何以有此會也
歲萬曆庚戌十月本司以宴日聞賜法醞珍味及伎
樂中使與知申事金公時獻承命偕至亂後此會僅
再覩而中使知申之來宣內外醞則異數也左右兩
相白沙松以故事來預因與會中諸老感戴湛恩竟夕

盡驩夜分乃罷翌日諸老詣闕上箋稱謝凡此盛宴
張大其事俾一時人拭目改觀而垂耀後來者須有
名筆上相李公山海負一世詩聲固社中人未及相
待乃前一年下世同樞崔公豈嫻於文辭今尚無恙
年則至矣格於從品不得預會失此兩人深恐此會
屏障中賦詠寥寥如也尚賴左右兩相曾以文詞迭
執牛耳而代長主盟高文大筆亟賜張皇以形容盛
事使屏障生輝則又幸之大者而社中諸老之至願
也

萬曆三十八年庚戌冬海平尹根壽識

耆英會

光海十三年辛酉

會負

左議政沈喜壽

伯悞七十四

晉原府院君柳

根晦夫七十三

右議政趙

挺汝豪七十一

知中樞府事申

湜叔正七十一

領敦寧鄭昌行

景真七十一

右議政朴弘耆

應節七十一

延原府院君李好閔

孝彥七十一

知敦寧府事南

瑾孝懋七十一

知中樞府事閔仁伯伯春

耆英會詩序

耆英之有會尚矣唐宋高賢結社流名之後延及我
東方風流諸彥踵義而傳芳者厥有譜牒逮于本朝
益恢張而侈大之春秋令節宴遊聯翩不但在下自
相娛樂乃至君上亦與焉其扶獎錫賚之典靡所
不脩觀於太祖大王留御諱親筆於本所西樓上
亦可驗矣不幸各樣舊蹟蕩然淪失於壬辰兵火尹
海平子固相公之序略已及之矣經亂三十年来庶
事草創設會僅五六遭而上年與今年冬皆不以宴

日 上聞蓋以軍興多事及邊警益急也豈非大可惜者哉然近歲社負之濟濟前古所未有吁亦異矣今茲之會無故在席者正符香山諸老之數老拙之年七十四晉原柳相公年七十三右議政漢川趙相公知樞府申相公年各七十一領敦府蓬萊鄭相公右議政朴相公延原李相公知敦府南相公知樞府驪陽閔相公年各七十倣故事合計總六百三十九籌猗歟盛哉但論資與齒糠粃皆居前亦是僭踰之可愧者也人生於世孰不欲壽與貴而鮮有兼之者何幸並生明時能兼人之所難兼者而相與益簪優

遊於黃耆之場也樽俎絃管雖若不出於聖上之
賜而亦莫非聖恩所及感激之深烏可量也至於
冰壺相映於接膝之筵鶴髮交輝於蘸甲之盃纖歌
繞於樑上俱悅聰聒之耳妙舞運於掌中均揩醒醉
之目銀燭金爐能壓夜寒之稜稜瑤琴玉笛賸奪地
籟之蕭蕭使傍人驟而觀之未必不以為天仙之齊
會王母之並臨不亦豪逸之甚乎第以時屈舉羸興
盡悲來不能無無已太康之懼且念艱虞日甚難卜
後會之遲速况可望老拙之復得與會耶言及于此
亦難免大耋之嗟仍謂有司南相公曰本所物力綿

簿雖未效全盛時生銷廣軸之設而獨不得細布小
簇子題名傳後之具乎仍為之述懷記事構拙七言
近體二首錄奉諸老相公案下以冀和教其亦不自
量也已

天啓元年辛酉春青松沈喜壽識

南池耆英會

仁祖七年己巳

會負

僉知中樞府事李惟侃

字剛仲號愚谷庚戌十月十八日生

金

州人

子禮曹叅判景稷
左副承旨景奭

延陵府院君李好閔

字孝彥號五峯癸丑五月十六日生

延安

人子行副護
軍景巖

行工曹正郎李

勸字彦誠號杜谷乙卯五月全

義人

子學生敬身致身

行副護軍洪思數

字學半號石湖乙卯七

南陽人

子驪州牧使得一司僕僉正履一獻陵叅奉有一

漢城府右尹姜

綢字仁卿號是菴乙卯七月晉

州人

子通津縣監弘定

延平府院君兼兵曹判書李

貴

字玉汝號默齋丁巳三月初一

日生年

延安人

子延陽君時白廣州牧使時昉

同知中樞府事李麟奇

字仁瑞號松溪己酉十一月十一

青海人

行左叅贊徐

省字玄紀號藥峯戊午五月十九日生年七十二大丘人

子左承旨景雨達成尉景庸

行司正姜

統字文卿號蘭谷己未十一月二十九日生年七十一晉州人

子學生弘益

漢城府左尹柳舜翼字勵仲號芝岡己未十一月三十日生年七十一晉

州人子掌樂主簿重炯

青平君沈倫字尚重號梧窓壬戌三月十七日生年六十八青松人子學

世生翼

坡興君尹東老字期仲號水心庚戌七月二十五日生年八十坡平人

南池耆英會圖序

在會十二公自七十一歲至八十一歲惟清平沈公少七十者二歲用狄兼謩故事與焉今年六月五日積雨乍晴諸公聯鑣并輿來會于崇禮門外洪僉樞第共賞官池荷花座間序年不序官鶴髮童顏飛觴舉白觀者稱艷若神仙焉既而諸公命工摹以粉繪列錄名位年紀屬維識之維竊念壽貴皆殊福也鮮能兼備今觀會中諸公既極眉壽尊而高者銘彝鼎主詞盟下亦不減省署星郎何其盛也殆是聖朝龐鴻之化仁壽之應而諸公其亦各得造物之所偏

厚者乎茲會雖小不可以無傳也敬綴以小詩
白髮紅頰共聯翩十二人成九百年洛社幾拚河朔
飲官池自有曲江蓮香風入座龍涎暖淥酒傾筒象
鼻偏鶴背颿輪太寥廓不如長作地行仙

崇禎己巳季夏之吉德水張維謹題

後序

景稷嘗讀洪範傳九五福一曰壽孟子曰天下達尊
有三齒一爵一德一尚齒之義遠矣哉然民躋壽域
實本於治化而歷代以來耆老之盛絕無而僅有方
唐之盛也白樂天在香山為九老之會及至于宋洛

中諸公效而為之者再而耆英為最盛焉圖會賦詩
至今傳之為羨談皆盛世事也今我 聖上之七年
己巳夏六月五日諸公會于國都南門外池邊之洪
公第以賞蓮也家君初以疾辭忽然乘輿而往延陵
與諸公已在座者八人矣諸公相喜謂曰今君來興
復不淺俄而坡興社谷相踵而至在座者凡十一人
固一世士夫之老而貴而賢者也至如延陵延平藥
峯或以 先朝耆舊或以當代元勳位望顯隆事業
宏大在人耳目者豈下於耆英哉且耆英席上十三
人而共籌八百九十二歲今此十二人而其籌少十

四歲可謂人少而籌多况此八袞三人又耆英之所
無也是日也喜雨新晴清水滿塘荷香襲座微風借
涼蒼顏白髮儼若羣仙觴籌交錯或醉或醒不知香
山洛陽之會亦能有此景像也不耶於是延平謂左
右曰今日之會真老人會也吾儕俱以童穉之友至
老相從者幸也今日之邂逅團藥又其幸之尤者也
豈可使茲會泯而無傳也宜令圖繪之以續古事左
右曰諾仍令舍弟景奭列書姓名尚齒不尚官誰昔
然矣亦可頌 聖世風化之本也芝岡不與焉而以
宿約追錄之青平年未七十而用洛陽故事並列焉

各書降日者將以為後期也書其子弟者以錄其叅
席者也噫自唐而宋自宋而今幾千百載復覩勝事
於今日也宜乎觀者如堵聞者嘖嘖而為一國之所
慕也既以圖繪屬之景稷又命序其事不敢以文拙
辭於是乎書

全州李景稷謹序

清風洞耆英會

仁祖十三年乙亥

會負

領中樞府事東萊鄭昌衍

領議政海平尹昉

右議政首陽吳允謙

判中樞府事安東金尚容

知中樞府事河東鄭光績

兵曹判書完山李弘胄

右叅贊錦城朴東善

知敦寧府事密陽朴鼎賢

知中樞府事韓山李德洞

工曹判書星山李尚吉

耆老會圖序

人之福有五莫尚於壽然徒壽而無爵位之貴者素

年也徒位而無德而稱之者素貴也素年之尊鄉黨而止耳素貴之尊朝廷而止耳必也有德而兼斯二者然後天下通謂之尊而一時僅見若而人則世稱其盛用為美談若夫昌明之朝廣延耆德之臣續然布列於巖廊之上則斯又盛之盛者而實希覲罕覲之事豈止一世稱美而已哉我朝自國初以來設耆老會以寵公卿之稀壽者非由大科進而位八座以上雖賢尊貴莫得以望焉是以世无歆豔不趨若神仙事今上中興耆造盈庭宰相則有若領中樞府事東萊鄭公領議政海平尹公左議政首陽吳公

右議政我伯氏仙源先生列卿則有若判中樞府事
河東鄭公兵曹判書完山李公右叅贊錦城朴公知
敦寧府事密陽朴公知中樞府事韓山李公工曹判
書星山李公皆預斯會近歲最昌歲乙亥秋八月會
中諸公讌集于弼雲山之清風洞座圍貂蟬庭列鳩
飾于時景物鮮明谿谷靜邃雲煙效竒於左右絲竹
奏伎於前後看山聽水髣髴香山遠市近朝依然洛
社獻酬既成籩豆濟濟於是陳禮經博史之言詠風
人太康之詩熙熙爾衍衍爾樂且有儀詩云樂只君
子邦家之光樂只君子遐不眉壽樂只君子德音不

已其斯之謂歟盛矣哉既而命工圖其迹而以序屬
不佞曰庶幾他年不作生客也不佞固不敢當而亦
不敢辭謹為之序

崇禎八年乙亥秋八月安東金尚憲識

梨園耆老宴

英原六年庚戌

會負

關

梨園耆老宴帖跋

壽為人之所難得難得而能得所以為喜有喜斯有
志是帖之所以作也嗇其宴飲之盛列書姓名如是
足以為志矣而又各為詩以題其下其風流之映照

一世奚遜於洛社耆英之會哉余聞古有彭祖者得
吐納之術壽至八百歲諸公豈皆有得於是哉非然
也余又聞仁者必壽諸公豈皆仁者徒歟余於諸公
不能遍識而識其半焉蓋皆靜重祥和有致壽之道
焉以余之所識而推其所不識其必盡如是矣其為
仁者之徒蓋無疑苟因其天賦之厚而養之不失其
方雖踰耄而望百不異矣然則此帖之絀作當為累
巨秩不止此而已也可期也昔狄監廬尹年未及七
十而能與於香山九老之會司馬公亦以六十四歲
與於耆英之社某雖不敢望昔賢之名德然諸公倘

援文潞公故事許其容坐於尊俎之間某請作為詩
文以鋪張盛事如樂天溫公之序未知諸公果能見
許否乎既以應諸公之命又敢私有布焉

上之六年庚戌全義李德壽謹跋

三耆會

正宗七年癸丑

領議政洪樂性

七十六

判敦寧府事洪秀輔

七十一

大提學洪良浩

七十

一門三耆慶壽宴帖序

耆英之會古也唐之白樂天在香山為九老之會宋

之洛中諸公仿而行之者再高麗崔譔太師與其弟
誦及老而自逸者七人始為之於東方踵義而傳芳
至我國初領司平府事李公居易樂天又會十耆老
春秋令節結社而遊於是耆社諸耆臣繼而行之自
夫壬丙以後國家多事仍廢之然此是社中諸耆自
相娛樂而已未有如我家一門諸耆之會也 正宗
癸丑王考文獻公遵故例入耆社時族大父判敦寧
公秀輔氏以壬子宗叔領議政公樂性氏以丁未後
先入社為一門三耆時人艷稱之三家子弟俱以愛
日之誠輪設壽宴將稱慶而識榮迺於是歲之暮春

某日先會于議政公第次會于我家次會于判敦公
第事聞于朝上賜內部樂以寵之是日也天氣清
和景物澄鮮中堂以教少長咸集儀采匝管絃迭
奏鶴髮韶顏交輝於樽俎之間而禮意周洽交相敬
愛雍雍油油以同其樂三家子孫以次稱觴以頌以
禱熙熙爾衍爾樂且有儀詩曰樂只君子遐不眉
壽又曰樂只君子邦家之光其斯之謂歟禮既成各
以歌詩為侑壽之辭書諸帖以遺于後世子孫夫是
會也一舉而三善具焉上以頌尚齒之化下以寓介
眉之祝又仿乎古之耆英之會雖是一門之私宴斯

足以賁飾升平而實由於聖世治化之本也惟我
三家諸公福祿之隆蓋受乎天而亦莫非遭際休明
厚沐仁壽之化共躋稀齡聯武西樓分日宴飲於一
門之內不知香山洛社之會亦有如此者否自唐而
宋自宋而今幾千百載於我家而始有此勝事宜乎
觀者之嘖嘖而培養國家之元氣於此可觀也噫小
子於是時年纔弱冠衣彩衣隨諸父兄後奉觴稱壽
歷歷如昨日事今焉為五十年餘矣五十餘年之間
兩家後承迭出卿相而年未至更無繼入於社獨我
家後文獻公入者至小子而為三天之厚餉於我家

者毋或太偏乎吁亦異矣拜社而還披閱舊帖當日
陪遊之樂今何可復觀而一門之內更無以繼此會
興言于此只有大耋之嗟而已遂書于帖首仍以為
序

上之九年癸卯春正月洪敬謨謹序



耆社志卷十五目

庚編

進香禮節

同社致脩



國子監

司書

集

古詩集卷十四

香社志卷十五

豐山 洪敬謨 編

庚編

進香禮節

在前國恤時耆司本無進香之例 肅廟庚子國恤本司之事體情禮與前有異照諸上司例始行進香之節至 英廟丙申亦依此行之至於同社致侑則是社中之故事而宣廟以前文獻無徵只舉 仁廟朝以後致侑之文掇拾載錄於進香文之下然自英

廟中年只送奠需於本家遂無採文哭侑之事社中忠厚之風今仍泯滅可慨也已

肅宗四十六年庚子六月初八日癸卯 上并遊

八月二十九日耆老所進 香于 大行大王殯殿

藥房八診入侍時都提調金昌集所啓耆老所曾
前國恤時本無進 香之例今日則事體情禮與
前有異故本所繞以進 香之意草記蒙 允矣

但本所素無物力至於藥物之資自前求請外邑
矣 大行大王御帖奉安之後則外方求請事體
未安伊時陳達停罷凡係進上臘藥馳酪等物皆

以戶兵書物力取未補用矣即今進香之時無

他物力若復求請外邑則有違當初停止之本意

依他進香例分付三司使之設行何如上曰

依為之六月二十六日

本所啓曰今此大行大王殯殿諸上司皆將依

例進香矣本所事體情禮比他司自別亦不可

無進香之舉雖無前例許令設行何如傳曰

允六月二十四日

禮曹啓曰耆老所進香祭物分付三司使之設

行事啓下矣進香吉日今日官推擇則來八

月二十九日未時為吉云以此日時舉行而進

香床則內資寺指備進排祭文令藝文館撰出何

如傳曰允二十七日

魂殿都監郎廳以摠護使意啓曰大行大王平

日所御几杖發引返虞時不可不陪往几則祇累

杖則造櫬入盛并為奉安於空輦內往來之後仍

為奉安於魂殿似為得宜以此分付該司何如

傳曰允十月十七日

肅宗大王殯殿耆老所進香文庚子八月

伏以帝眷維東聖神繼作穆穆寧王誕膺龍德

天表夙疑仁聞日積隱及禽獸善端充擴倚惟孝思
寔本天得幼而侍疾憂形嘗藥 慈鑑至誠進匙加
昔暨宅嚴廬戚焉深墨周成即祚漢昭齡弱英睿出
天大明普燭綏攬權綱乾斷載廓灌注神策朝著乃
肅敬天勤民惟 先是式蒞以帑金徭賦蠲滌播以

綸誥寰海感激圖弘至理懋自初服履舟圖成日新軒
闕倣甬臣隣凜如淵谷湯銘周頌其義洵若急于求
諫所其容直過則必改言罔攸伏禮樂刑政動以軌
躅一舒一慘歸于建極終始克念益懋典學日御經
筵研究六籍監欽理亂罔解紬繹措諸政令不越方

策工光緝熙慎自幽獨雅尚儒術敷教序孰成造髦
士用賓王國詰爾戎兵壯爾鎖鑰不忘陰雨申警武
略卑服惡食躬率儉約燃晁放馳度越前辟晉雉之
焚漢馬之却方之聖德而不敢敵治若勿休不遑
寧息民惟邦本曰胡不育農實食原曰胡不力畧民
告餒我哺爾粟塞卒呼寒我衣爾襖輒遣近臣詢爾
弊癘明飭有司勸爾蠶穡乃痛痒拊乃跛躄天或
警告躬必刻責或減之膳或撤之樂一念寅畏至誠
欽格宅心欽恤明慎庶獄德洽好生時用解澤動遵
成憲則有闕石凡厥施措燦然綱目刑家尊帝最光

天則不吝其悔再正禴翟端厥化原倫彛不忒肅祀
皇壇如奉玉帛大義昭揭風聲永植緬復 莊陵事
光宗祏旌忠表祠用慰英魄靡歟不舉惟聖是克
奉 先愈孝霜露興惕歷展 陵廟必虔蒸禴端養
聖嗣載勤式穀十歲嘉謨誥戒諄復堯精舜一喜其
有托四紀憂勤殆忘錦玉八字顯號三讓不獲 玉
度告讐積歲累篤爰分萬機遂命 震幄勉以鴻圖
貽厥燕翼大德必壽宜永嘏祿同符 太祖聖笑躋
六西樓徵慶南曜增赫通繩前武繼叅耆軸曆三百
年於今再覲聯輝玉牒世以徽蹟錫宴便殿餉以黃

馘句天奏樂

靈壽扁閣御賜金杯以寵以渥一堂

春融頌騰嵩岳耆艾歌詠恩遍壽域實為尚齒匪曰

豫樂咸願進饗

聖猶自抑憂農戒逸

天語懇惻

勉循

儲孝禮趁秋熟天開寶座喜瞻

玉色王

庶無疾滿庭抃躍吾東是慶期億萬曆仰箕周甲歲

纔一陽凡在耆臣益倍華祝天不少延奄遭禮陟壇

禱回應冥佑終漠臣民何辜普率均感追揚末命尚

念正朔咨乃

元嗣皇寶以錫預講方喪一洗陋俗

於休

聖作實光汗竹伏念臣等莫攀龍胡遲此蟻

蓐

聖節虔回壽社徒聞瞻望願衛血涕橫臆敬薦

洞酌冀降歆假

知製教柳憲章製進

進香儀

其日引儀設耆老諸臣位及贊儀引儀位於外
庭並如常儀進香時至攸司進禮饌內侍傳
捧入設於靈座前設香爐香盒並燭於其前
奠祝文於靈座之左設樽於戶外之左置盞
三於樽所典儀贊儀引儀先入就位引儀分引
耆老諸臣入就位贊儀唱跪俯伏哭耆老諸臣
跪俯伏哭贊儀唱止哭興四拜興平身耆老諸

臣止哭興四拜興平身引儀引班首盥手

諸執事同

陞自東偏階

引儀止於階下

詣

靈座前北向立贊儀

唱跪耆老諸臣跪執事者一人捧香盒一人捧

香爐班首三上香執事者以盞酌酒授班首班

首執盞獻盞以盞授執事者奠于

靈座前連奠

盞俯伏興少退跪大祝進

靈座之左西向跪

讀祝文訖贊儀唱俯伏興平身耆老諸臣俯伏

興平身班首降階引儀引還本位贊儀唱跪俯

伏哭耆老諸臣跪俯伏哭贊儀唱止哭興四拜

興平身耆老諸臣止哭興四拜興平身引儀引

耆老諸臣出

英宗五十二年丙申春三月初五日丙子 上升遐
夏五月二十五日耆老所 進香于 大行大王殯
殿

本所啓曰今此 大行大王殯殿諸上司皆將依
例進 香矣本所事體情禮比他司尤別依庚子
年例許令進 香何如 依允

禮曹啓曰耆老所進 香依庚子年例舉行事

啓下矣進 香吉日即今日官推擇則今五月二
十五日卯時為吉云進 香床則令奉常寺措備

進排祭文令藝文館撰出何如 依允

英宗大王殯殿耆老所進

香文

丙申五月

伏以天眷我東大德必壽

太祖光前

肅考繩後

耆社盛事三百兩有穆穆

寧王克配前後姿挺龍

鳳道準乾坤出天孝篤因心友敦明以察倫仁則體

元精一相傳養性名軒藩邸毓德

禹幄繼明運值

重熙祥膺大橫武定群克文致太平崇儒重道玉帛

弓旌詰戎固圉陰雨苞桑堯岭彌高舜慕益長淚滋

瞻招誠藹傳香至行懿德高出百王五紀

臨御一

心繼述嚴恭寅畏事天以實祚蠲上辛禱應太乙遇

灾減膳同敢或逸寤寐京周肅祀 皇壇尊攘家法
風泉愴歎 兩皇追躋八佾永觀朝海誠虔執玉端
儀 前烈丕承後世有辭追遠報本曠典允厘位復
溫陵禮翔肇祠昔所未遑今乃無遺民惟邦本如保
赤子恥存納溝恫若在已漢稅免田周布減里番停
義僧貢蠲寺婢恩遍二毛政先四窮 親頒米帛仁厖
惠洪草木昆蚩澤無不蒙皇建其極治協于中碑戒
比周道臻乎蕩大化陶甄無偏無黨好是儉德非出
勉強澣衣菲食渝屏弊幌躬率以約四方是式城絕
高髻服無文織克勤于邦乾健不息殷湯昧爽周文

日異萬機之繁九老靡懈所其無逸諷以抑戒六對
三講樂不示愆恬嬉習勸緝熙工邁天縱聖學富有
大業自省述編堯舜道接續典補禮姬周制叶江漢
日月浩浩燁燁明目達聰言路是開從善圜轉容直
襟恢藹言必擇臺風不摧嶺海前後終無棄才以辟
止辟是曰祥刑律除酷杖化鑒空圖漢文詔惻成康
治馨尚軫凶頑矧爾伶俜人無不獲天非有私重農
與蚕王化攸基黃裳薦鞠黛耜供粱救飢恤荒仁政
遐推舡哺南島倉敷北邊顯忠遂良賞懋世延恩旨
戒飲誥炳周篇役訖濬渠功配距川令嚴奪閭化洽

奠麗興利除害惟恐後時德闡鬼蕩治路皞熙燕翼
文孫允矣止慈漢殿含飴唐宮誨物政攝倦勤誕降
明綍授受以正謳歌載苑帝與九齡百祿是第靈閣
趾美玉牒承輝踰堦望願三代猶稀黃髮頻接大斗以
祈鳩杖烏几寶座天巍滿堂耆艾醉飽蹈忭極曜祥
呈壽域頌遍 儲孝懇懇日賀月宴 聖猶謙抑只
許進膳鍾鼓管籥庶幾無疾天胡不弔率土遏密徧
走羣望莫賴冥隲末命傳寶 元嗣宅恤三靈雨泣
萬姓雷號雲鄉邈邈山谷嘈嘈澤在黔首光流彤毫
沒世之思同我倪旄伏念臣等拚髯痛長禡蟻願深

悽涼洛社寂寞衛顙珠丘已卜血淚徒淫敬薦洞酌
冀降格歆

知製教申應顯製進

同社致侑

祭青松君沈公

諸文

青鳧陞族侯伯華胄四代五公世王左右承繼蟬聯
公尤毓秀弱冠操觚輩流手袖摘髫科第青雲路透
恭惟 穆廟急材構厦柱下起居玉堂金馬非公不
可渥澤河溥時屬艱難天將旁午 玉趾郊勞公陪
接塵雍容儀表有動人目賓乃贊歎 聖心嘉悅何
來菲錦敗我纓征督郵非尉縣符若驚逮乎幽國十
年謫籍 聖人中興不賈通顯紫綬四換龍喉累踐
南宮國子夾鳩司徒柏府薇垣冑筵必俱盛德增秩

峻之冢穿鑑空衡平同朝生彩踰七滿八帶屏班寬
平步洛社人謂神仙比古耆英韓富讓前矧惟蘭玉
扶床坐膝矧惟相內偕老琴瑟人間五福公豈闕一
報施善人理不天差適來適去公亦何嗟同叅社席
後先一飯酌先公多筆喜公健交臂一失曷禁三呼
有肴在豆有酒斯酌公違勾天庶一饗無

祭潛谷金公指文

已卯羣賢金趙冠冕公於內外胚胎大闡年未舞象
篤實文辨芝山坡水鼓篋磨光渠步膠庠聲名遠揚
遭時幽國見擯沙蜮出自北門考槃潛谷惡粟敬綈

隨遇而安鉏帶詩書腹貯琅玕 聖人中興構厦急

材公晚泥塗金吾以來明年甲子敦峻稱兵帳殿公
山公負勒行路綰黃綬癢肥政清壯元三場于是歲
秋鋒車應公正色酋酋晉途快闢靡職不踐古云九
遷今公猶覲小海臨沛公齒胄筵艱危耆力每在人
前佐使關西閱兵湖嶺植版塋甲奏盡要領居然對
吏銓法為崇微譴亦 恩牛川特地閑中索丘膝下
鸞鵠未幾賜環足趼宿昔主治方上緋衣陞秩暫辭
龍喉一麾鶴城鳴琴及瓜掌禮佐卿掣舟朝京值虜
東獬豸立秦庭肝血動 帝帝命壯將護公歸柩涕

淚復命聖眷日渥乍厭承明旋按湖節歸來國
子多士矜式五入銀臺三長玉署密勿論思幾多借
箸風餐黃磧擁樹兢兢天嗟獨賢資超級增遂判金
帟帶擯飲水急病讓夷公所長物昭顯竈役公察
皐皐松都鵬息洛杖鳩刻攀髯痛日選援宗伯酌禮
之中小巫氣攸俄筭沙堤民咸加額允處此位鮮克
不溢晏嬰湫隘公則獨樂文子魚羹公則自珍唯其
素志在康北民拜命之初平賦首陳平賦何制井田
遺意近代賢相梧里初此公廓其猷東國庶幾而復
建請張公是非疇為譽斯頻頻逐逐集賢一分朝綱

即肅丙申封事尤足當瑱所恃 聖明不日収電一
噓止餐公所不屑翩翩章奏愈往愈切其所乞骸蓋
緣知足 上之三留惜公精力 兩朝實錄公實編
成皤皤黃髮何等聰明同朝益訖期以期頤霜露何
恙奄忽至斯臨絕獻忠鑿鑿嘉謨人誰不死公死不
徒某等散木幸壽耆英同席瞻仰台星儼一南極至
道文正睢陽杜祈會以相重古今同歸于何不幸相
繼騎箕雖其生者驩緒索矣西園一會寧可復得有
肴在豆有酒崇觴靈其降歆老淚盈眶

祭海恩君尹公履之文

我公世德錫衍善慶而代上公相門之淵于其冠
嶷然其質筮仕分憂五汲民渴旋闡大科脚達鵬程
遭時揜杞不樂顯榮聖作時清首試折牧謠騰麥
岐公不之色俄持湖節幾登拱北銀臺騎省或副搃
戎建牙而南肅臨沛豐金剛鏡浦繼入騫帷風流仙
韻琴鶴自隨歸為戶部擢拜亞卿知申職親恩顧攸
傾春曹王府來去頻數南漢扈入雲劔執勒車駕
旋軫未遑偃息江都畿伯出納之首再赴或三世所
罕有丁憂外除爰襲封爵異域衝寒敢憚行役有時
忤旨輒蒙特叙西樓誰傳北巡誰沮及叅盛宣光增

卿月京兆籌司耆社黑髮以大司寇伴送龍灣千里
等我子白馬山就閑優遊幾十餘載坐巖臨流吟嘯
躊躇春花秋月江閣園林諧笑忘倦樽酒細斟魚躍
澄潭雲生遠岑神遊物表興入霞鶯泊余年至幸叨
燕席西郭高會四仙商皓末至如吾作峯五老此時
樂難以繪摸嗚呼飛光易逝過隙之駒當時園結公
獨巍然余在下風洛中兩負時時小酌薄馬暢懷年
將九十命加崇階敦寧判府齒爵益尊盛孰與京德
實有源南樞星文偏照公門子女望八孫曾過百衣
衮簪纓綿綿壽福方期久視忽驚歸真泣望門陳抱

病酸辛向賜几杖公已感疾恨未同娛終成永隔因
首終南往事一夢龍洲繼卒四顧增慟餘者無多亦
在于鄉嗟余如瞽獨立蒼茫錢公此別一影涼涼哭
未盡意侑以一觸春花欲散公向何之我來送公公
寧不悲

祭四宰閣公應亨文

氣稟河嶽姿挺金玉即之溫溫望之卓卓人稱國器
世推時彥題名桂籍蜚英槐院遭時溷濁屏跡鄉曲
翩然若脫窮且逾確幸際清朝偏承優渥栢府戎冠
薇垣正色元禮風裁汲生慙直誠深奉檄寵異專城

經幄纔侍內憂是丁血泣前後孝通神明翱翔春邸
出入銀臺闕西往返湖右徘徊塵驚塞上路阻漢南
八駿未陪寸心如快朝議冰釋天眷日新政試外補
化洽遺民入對威顏論斥賊臣九岭先見千載全
符亞佐銓衡稱量賢愚卮言激天一麾去國念彼戾
園愍茲楚獄言危寢即怒犯宸極一日不安三黜無
愠得靡歡忻失豈憂懣逮長國子勉進後輩羽翼賓
筵朝夕善誨良法初行惠澤猶存身嬰寵辱鞅稅鄉
園心丹愛君髮白憂時資超優老志切格非維時憫
旱特霈賜醞祿位益崇年岭已晚優游樞府叅贊台

靡一疾不起九旬其幾仁必有壽位不滿德士失著
龜國無柱石九重悲歎百僚嗟惜冰蘖之操松柏之
貞超然末俗鬱彼佳城至如吾儕濫超下風形骸兩
忘分義俱隆嗟哉暮景失此我公老成既去談笑誰
全寔日將迫引期在即茲陳薄具庶歆洞酌

祭三宰尹公順之文

烏山鬱嶸洛水澄清毓精英彩奕世簪纓公振家聲
雅望芳名際會龍飛騰踏鵬程論思經幄出入冰明
周旋儼幕詩律轟鏗嗚呼塵驚北塞禍慘西京哀哀
蓼莪累然柴荆坡山遲伏歲序七更逮至去郊扈至

孤城險第一節恩命屢紫梅攀舊植鮮耀新袍承宣
內志叅佐夏曹旋分漢竹暫莅湖濱及趨藩館載驅
輜輶燕山雪厓鶴野風擗鏡回北轅復迄東瀛忠信
自守蠶貂可行越索斯垂溜金是橫達節三輔教誨
諸生藝苑飛輕騷壇主盟三司地絕六部政平跡遠
湘潭吟殘杜蘅心丹一寸髮白千莖年高著席位躋
正卿福魚康寧人仰老成嗚呼八桂且逼二豎遽嬰
內藥無効壽曜晦精市廛椒肆楓宸震驚特賜賻
祭沒亦恩深經傳教子金不滿簞積善有報其後心
羸嗚呼接武耆英幸陪弟兄公私多故燕集失頻城

西一會共酬良辰光陰難把風燭易滅岐川先逝於
南繼歿我公一卧又何奄忽相望各天無由縮地餘
貧凡六在京惟二白軒抱病我獨爰至奠雖未同情
則何異池塘夢羅惠連永隔祖馬將發往即先驚白
雪連天山陽一笛老我哭餞靈其斯格

祭判書吳公竣文

貢粹金玉氣稟山川溫如醇酎和若陽春盟僚服義
宗黨補仁待人以誠與物無競弱冠從師華聞彌聳
刮磨華靡剔去陳冗近斥嘉興遠建鍾王大字龍架
小字鸞翔孔氏遺書皇華頌德溪藤增價御屏生

色玄宮陰誌 清廟玉牒每一寫進輒加資級琬毛
駿蹄賜予稠疊際時昏亂蹢躅落拓逮逢 聖作于
以羽儀歷敷華貫得蒙 主知值歲卑闕執勅以行
叅佐本兵言旋舊京家貧為養一麾西府民懷惠澤
父亡母杜再賓胄筵于彼漠北云受儼命言忠行篤
誦詩三百 君命屢將按節畿輔化洽甘棠栢府薇
垣正色立朝鵬程九萬翼搏扶搖翺翔八座曰禮刑
工厯兼兩館秩亞三公暮年洛社優遊樞轄精力未
衰顏面敷腴福祿天錫愷悌神扶耆英會盛恩禮異
常期以百歲此樂無央云胡不祿病入膏肓情鍾痛

纒積成內攻太醫匪良賜劑無功計聞震悼士嗟於
朝里墨輟市童子不謠少而托契老而相依盍簪雖
罕何日不思一朝奄忽騎彼箕尾溟翁繼逝存者有
幾日月不居祖道將戒儀容永阻讌語難再社中諸
老在京惟二海恩難力爽亦閑視文不盡意真未能
躬督脩一觴飲恨曷窮

祭白江李公敬輿文

山河委彩繫鍾異才公也應生蔚作倫魁有行為本
以文為華一生佩持精白無瑕自在韋布風聽鶴唳
釋褐未幾時入昏滓秉志彌確低垂百里乾坤載朗

雷起群龍黃鍾在序六律春容雋彩方馳天驥錦蒙
首遴玉署載錫金猊法筵講席稽古以之諤諤為牘
侃侃其規珥筆斯謇載笏有煒天曹華右靡不遍履
雲霄振儀有賁一羽間或外庸出宣三藩湖山動色
棠茆留芬入注恩眄居寵若驚動守齋卷進退維貞
有時休沐白江之許希文憂樂悵望千古俄陞峻秩
鈞佩星辰仍兼藝苑斧藻展新平遷宗伯移長司冠
名騰覆甌爰陟端揆鎮物以靜士望所與是倚是毗
伯仲伊呂清閒如水雜賓全稀益礪公程盡瘁是期
曷不夙夜值時孔艱受命西河拘甚南冠志軋狂狷

炳然如丹遼鶴歸來漢節度我遇事難言愛君無他
眷撞不撓砥柱波瀾薄譴嶼南攬彼荏蘭維北且湖
亟賜之環潭潭相府復押班印童隸何知連手加額
猶履其棟若川有楫人勇為功我靜以德夾輔方殷
彼唱如兕澤斂仰成造物之憤博聞終南日月悠悠
詩書自娛名教優游爭受歡掖家政陽春筭期老成
坐侵八旬天不憖遺遽喪耆碩朝無典刑士失矜式
一紙遺表耿耿易簣汗史流徽口碑載績庭訓有方
大勝金籙簪笏盈床邦家之英兩盡哀榮獨完身名
其身上征玉京玄圃鞭虹馭箕不我少駐蔚彼新阡

月籠之原靈輒遲遲祖于西門老櫟俱朽挹蘭同社
擬倣香山一會真率風流故事竟墮冥漠銜哀修具
共薦靈床庶幾來假歆此心香

祭荆書權公 大戴文

花山令閼奕世冠冕吉昌之后遂大以顯惟公毓秀
英譽夙闡質是精金心惟介石操觚掉鞅粵自丁弱
游藝詞塲為章甫式斯文大論倣云振袂兩捷司馬
重攀仙桂蛾眉醜妬瑞禽鷦鷯嚇棘林卑栖蓮幕屢佐
冰蘖之操輔以剗果萊州剖符鯨室珠還燕都反命
一橐蕭然 聖明絀述邦禮迺正茅茹群哲公在王

廷龍喉納言鳳閣演綸薇垣袖簡權威逡巡湖臬秉
節令長解印言議風裁恥隨洿浚光山一譴宣以恩
踈庚申禍網吾黨其魚或幽梲棘或竄邊鄙迎山鳴
水公暨令子十年阨窮心丹髮白天運循環 聖鑑
昭晰陰邪送除僞髦晉陟擢公司徒儲副文衡東庠
序齒既壽康寧起居晨昏有義憲長友琴偕老共受
榮養三尊五福世所艷仰胡然一夕老星晦彩 至
尊悼惜哀賵異禮吾儕大耄百罹餘喘重逢 聖際
共沐恩眷盍簪未幾公先騎箕解縣乘化在公何悲
後死之慟先此良益凡我耆席存者有六一謫一病

一縻于公奠雖未偕情則惟同有肴在豆有酒在甌
今而永訣萬事長吁

祭判府事沈公梓文

青松著閥名相華胄才擅妙譽望實重負早歲得雋
晉塗始闢翰苑翱翔臺省踐歷論思法筵頻紆聖
矚觀風嶺臬棠芟騰謠司舌喉院游刃京兆不料中
年世事翻覆風被宦海獨免胥溺閱盡危塗靈光歸
存首擢銓衡眷遇彌敦鑑裁不頗意在公明判長金
吾議讞得平歷事三朝尚有典刑汾陽福補萬石尊
榮三珠入掌貂玉參差視履考祥受祐具宜位亞公

孤年躋艾耄尚齒徵制遂叅耆席等以癯舊幸忝乃
僚際遇 聖世天餉吾曹接袂均茵擺酒為歡清談
若屑雪髮彈肩風味愈溫精力靡慣鹽梅儲望鷄夢
報恠風妬喬柯星晦南壚感動 堯顙聲輟秦杵恩
深贈賁禮隆賜祭哀榮備極終始不替邇來耆舊半
作仙錄寧知一父公又易簣清芬已隔未契誰托洛
社淒涼舊遊零落梨園秉燭恍若夢寐後會佳約竟
歸一淚餘生有五四老抱病惟我獨至痛懷難狀真
雖未同情豈有極聊薦洞酌靈其斯格

有美哲人生也不偶魁然厚重猗厥抱負精金離礦
嘉禾絕秀詞華藹蔚見推士友墨妙絕世巧匠袖手
早歲蜚英晉途駕輶華貫膺仕髭摘芥取繆按遠騫
兕具大受臺省詞掖平步以驟譽著論思風凜刺糾
納言惟允在王左右蹇蹇匪躬不懈印西職釐叅
佐猷多告后隣班亞旅儲望伊久出入內外建節佩
綬巷謠衢謁召父杜母位以才崇齒以德壽克叶衆
允廼踐台斗視事京地吐曹水部于彼故都命以居
守恩與威施廉不利誘商舞于市氓歌于畝三朝一
節八縻黃耆世變如雲朝衣暮狗歸然獨立孰敢余

接樞轄耆席冠眉皓首養閑有味括囊無咎優游宴
息嘯傲軒牖福五尊三世無我有木稼遽伯耄嗟鼓
缶重宸震悼脊隸悲吼哀榮回替睟賻斯厚身雖乘
化名有不朽寧馨北遷遭運陽九孤首櫬返猿腸刃
剖伊誰嗣孝有孫叫叩鬱彼佳城山紆水瀏祖馬駢
素華輶搜柳有隕如鴻我懷伊切余玷耆社公脫塵
白庶辦一會接席盃酒燕去鴻來差池先後踟躕餘
生疇與開口譴謫之外存者兩叟一鄉一郊衰疾纏
紲笑餞莫親替人薦卣有負幽明肝摧面忸公神不
昧恕我老醜一瓣心香尚其歆否

祭奉朝賀南公九萬文

惟天挺才必擬於時其人之生係國安危惟公喬木
世家代有名德餘慶在公質粹金玉修塗發鞠玉堂
金馬經筵講幄討論詳雅銓筆秉公綃斧蘓瘼于內
于外不擇饒确人口之碑銘在西原甘棠之化流遠
北門中罹黨禍泣玦南溟逮夫更化詞壇主盟進長
司馬肥櫛積橐軍國之需久賴無窶金甌之卜蓋以
宿望倚毗益薦仍陟上相人仰喬嶽國有著龜公清
忠直上所獨知驕宗恃恩陰結佞幸儒相陳戒忤
旨奔迸公時請對進規懇薦宸怒遽震竄公于北

雷無竟日天乃返舄 聖德愈光都民加額懲奸杜
漸皆出長慮甲戌之事儘有難處公所辦得古人猶
難萋斐之織巧於尋端苦心未暴慈杼遽投謫流
離歲年幾周天道至公非有愛惡老成典刑常勤眷
注必致乃已深託腹心 臨筵握手諭以知音君臣
之契千古罕覲公且感泣竭誠披瀝據經引年終遂
素志士望雖缺晚節無類豈以退閑敢忘畜君國有
大議對問懇勤五十年来幾閱世變中間榮辱視若
過雷優游晚途隨意願養年近九袞神精尚旺靈光
獨巍朝野有恃忽以病聞 聖心憂只遣醫留視賜

劑診治奈何無祿天不憖遺棟傾於厦每失於川痛
結宸衷市輟里廛國誰倚仗士何矜式然公乘化
與時消息雲駕上征應在清都身去名留為世楷模
自入耆社餘十四春猥以後生忝隨光塵時適無事
擬一陪歡嗟今已矣飈馭莫攀卜近先塋花蝶之岡
靈輶曉發次于郊庄御哀修具齋沐迎奠操文而哭
有淚如綫從茲永訣萬事長吁庶幾來格歆此一斟

祭判書洪公

受濕文

嗚呼哀哉天將降任畀公懿德天不欲治奪公何速
用不及究朝野咸惜臨歿一疏震悼宸極念軫贈

樞官庇優渥真遊莫挽遠日將迫嗚呼哀哉才雋地
靈性純天植文彪華國志詣正學早題雁塔晚闡黃
甲華塗發軔亨衢大闢三司鳳騫萬里驥足霜臺珥
筆劄論墨勅玉署奏對言斥宮掖講易金華微諫盛
色推行經義陳戒剴切儒相進冊并論強孽六上啓
草炳幾先燭 坤位將傾抗義謬謬絕意宦途自廢
家食嚴批置對佩玦海曲疏決還鄉星霜五閱甲戌
更化舊趼牽復栢府陳章勉勵務實監董都廳進秩
貂玉銀臺夙夜移長諫職按律討賊疏正王法 聖
心覺悟批旨漫發暨長國子以寧誘掖科試至公士

論推服出宰東峽政清民謐銅碑頌德留惠千億入
佐東銓激揚清濁事有不叶自罷欽迹恩叙旋下敷
歷館閣入為諫長居留陞擢澤布陽春清比冰蘖宣
室召還玉堂長席亞銓超班司寇宗伯長憲執法請
辟砥旭尋擢判禁魚帶提學淑問無冤平允議讞移
判度支經用節約內入浮費一切裁抑翱翔八座一
心忠直屢典權衡為世忌克持論平恕反被摺撫有
犯無校祈免不獲金甌枚卜未膺爰立若歲大旱霖
雨誰作都民鬻畫望缺手額嗚呼哀哉惠和不恭夷
清而隘性行不偏從古罕覲惟公全德內和外肅溫

如良玉確乎介石厚重凝遠淵停岳立方嚴自持不
加聲色事親純孝血指和藥喪餘永慕不御華服公
退靜處不喜徵逐茅齋蕭然屢空礪石愛君丹心老
而彌篤病未遑枉闕外進伏承候起居憂形於色如
公忠孝宜享遐福暮年洛社琴書自樂已果忘世不
噓沮尼天胡不懸星隕南極邦無典刑士失矜式天
不可必理何漠漠嗚呼哀哉吾儕耆老半作仙籙耆
英盛會竟歸冥漠後死而存在九餘六今我獨來仰天
噉哭一別千古泉臺永隔奠雖未同情豈有極敬薦
洞酌庶幾歆格嗚呼哀哉

祭判府事趙公

相愚文

惟公德業華胄行慶惟公儀範朝野攸敬若其齒爵
是公自有餘事詞翰亦公不朽人皆艷頌清芬在只
公之於銚世篤情好俱未弱冠幸同蓮榜金蘭契密
形骸兩忘公先發軔穩步雲路金馬玉堂薇垣栢府
清朝羽儀凜然風裁歷敷華貫望實俱著芹宮臯比
士林矜式東西秉銓眷注彌篤爰卜金甌宿望攸叶
具瞻廊廟人仰碩德居然日月歲環回科當時二百
餘存無多相門高會勝事張大門闢喜氣衆賓交賀
蓮花影裏宛爾青衿東山隔遠恨未成三脩眉皓首

青眼相視觴詠迭酬惝恍夢寐忝陪耆英獲隨光塵
隨處附驥事罕前聞盍簪未幾風燈奄忽鞭虹馭箕
遽還仙錄真遊莫挽末契誰托安郊凶問又此相續
寧知俛仰已成存沒凡我耆老在十餘人或卧鄉園
或緣病故奠雖未同情則何異惟我二人哭臨處歲
侑觴永別老淚如綫顧念善溥識面最早惟公季姊
寔余丘嫂兄弟從遊六紀于茲吉凶憂樂罔不共之
宦遊中外聚散無常見輒欣然必命肴觴拈韻園池
間以諧謔逢暮追歡每歎筋力名登耆社余後公先
始公新入余出戲言庚年漸近朝野翹待公曰庶乎

嬉笑相對即事非昨但見虛帷遽廬夢爲復容何辭
一盃告訣千載在後久要情境靈也知否

祭判書李公善溥文

惟靈喬木舊家詩禮名門趾繖繩武傑有聞孫稟資
魁梧植性忠慤差他粉澤全我素樸平居任真方寸
坦闊當事不撓萬牛難回肥家行誼惟孝惟友餘事
詞翰不矜不有春塘擢桂辛聞始彰蜚英臺省晉塗
載駁夙夜銀臺幾殫勤勞風霜燕塞再牽星輶分符
八州刃板盤錯按節四道咏播棠蔭北門鎖鑰益著
區畫殊俗畏戢疆域無憾升沉四紀始躋上卿暫長

司寇聽斷公平樞轄耆司送老優閑半生榮辱一枕
邯鄲昔我 寧考親屈洛社設宴便殿御賜金華宮
壺灑灑和氣馥郁天許餘量榮動前席篇成在藻詩竝
賡歌三壽作朋十載光華臣民無祿 仙馭上賓泣

閱宸章相對彌旻未死餘喘復瞻新化桑榆暮境
游詠休暇况公精力尚爾康寧霜眉鶴髮期享頤齡
轉眄之頃風燭倏忽追惟疇曩曷勝悼惜耆造少一
勝會難再此生何日更奉謦欬荒涼故宅東岳攸芋
陶松誰聽謝碁誰賭丹青契帖雨露餘痕一回披展
一回傷魂迢迢天上公侍 寶宸嚶嚶人間我遲暮

蟻辨香靈筵淚隨杯落靈如有知庶冀歆格嗚呼哀哉

祭領府事李公濡文

一世元老三朝宿德氣度溫雅襟量冲豁早歲蜚英
歷敷殆遍經幄臺省聲譽益闡出按三藩惠化流布
入長兩銓績用茂著爰陟上相士庶加額十載廊廟
為國柱石營筭北城殫盡腔血星暎南躔位躋耆所
西樓舊事千古再覩錫宴便殿君臣同樂寶座
昵侍蒼顏白髮報荅同效仙馭上賓共抱宸章
攀躋秋旻嗟今尊蟻公獨先遂玉欄看花歸侍則喜

棟折榱摧國將疇倚自念昌集戚忝內從平生進退
夷險與共真遊莫挽衰朽獨留國計民瘼更誰同憂
陸之於公最蒙殊知耆席叨陪光塵幸隨轉眄之間
事違跡陳勝會難再薤露傷神存者九叟俱纏衰疾
奠雖未同情則如一辨以心香和淚薦酌庶幾英靈
俯賜歆格嗚呼哀哉

祭判書韓公

配夏文

惟公大東名閥賢相胤胄胚胎前光質美瑩琇自在
韶齠罔性孝友慈氏嬰疾祈天代某翌日乃瘞孰謂
稚幼魯有君子聞名斯取兩代師承升載善誘謂需

世具豈止學究一闡鬼科歷颶華茂糾正官雅言議
不苟為世所忌出入舁轂雖遭斥補不變所守萊府
仗信驕倭頰首民之愛之召父杜母口碑謝銅生祭
有搆予以奉之永世不朽凶徒傍俟宗社將踣排
門請對隨大臣後收還成命逆閉奸竇朝堂奮舌衆
惡誼譎會時清明升拜匪驟金吾水府屢易其綬賑
局管貨藥院承候盟府耆社吾所自有貴且富兮安
而不狃時望所歸謂必大受天胡不慙而奪其壽勘
勲無主誰與可否題帖減一好會難復嗚呼哀哉欲
言沾袖前冬慶席雉桂左右賓朋迭賀雪裏花數缺

陷世界多奇小偶盛事一去脩夜不晝風鳴素幔月
印虛牖引年隨叅縱有前后情則一也孰不銜疾即
遠有期輶車不逗皎然風像此生難覩聊具薄奠以
文為侑靈如有知庶幾歆嗅

祭領府事金公宇杭文

惟我聖朝化洽玉燭一邦民物咸躋壽域睠茲耆
俊同陪壽閣聯翩耆社几杖相續猗歟相國夙著名
德言論公平風儀嚴恪敷歷華臚蔚有聲績判銓兩
部進秉句軸有懷無隱章奏謹樸未及展布重負斯
釋懸車養病日以閑適世運無常滄桑累易獨保完

名超然遠跡祝公期頤永保晚節何期一朝遽爾易
簀迨茲計聞痛纏宸極設位舉哀曠絕今昔特頒
哀詔辭旨懇惻隱崇之典有踰常格位至三事年垂
八耄能全完福在公何憾禮制有限遠日已卜凡我
同列忝叨聯席或經僚案或係親戚皓首相對情好
深篤追思陳迹恍如隔宿聞寂門館虛涼簾閣觴目
悽疚有淚橫臆茲具菲羞來奠洞酌靈如不昧尚其
歆假

祭判書洪公萬朝文

惟靈名祖後孫簪纓望族積善種德挺生人傑植性

端雅稟氣清淑溫粹之質蘭蕙共馥耿介之資冰壺
爭潔妙年釋褐翰苑珥筆金鑾玉署恩顧日渥言論
和平操履堅確外似恂恂內實諤諤前後章奏皆出
憂國七道八節古亦罕覩台棠遺惠隨處遍洽晚升
卿月益殫勤恪司寇京兆無滯訟獄推恩尚齒位躋
崇秩玉立三朝終始一節耆筵社廟灑日月屢
疏乞骸一允終惜堂扁晚退可想衷曲班綵盈庭蓮
桂交萼尊兼三達福侔萬石霜眉鶴髮永期遐第云
胡一夕風燭倏忽朝野咸嗟親串共怛咎我先王
降屈壽閣賜筵便殿諸耆并集仙樂鏗鏘宮壺灑灑

面錫金爵榮動前席三壽作朋萬年共祝 仙馭遽遐
泣血何及未死餘喘新化再沐感舊傷今只增摧裂
與宴諸臣幾盡零落獨留人世曷勝哽咽几杖淒涼
門巷寂寞契帖丹青雨露餘澤靈輅既具壙鞠將敦
一盃永訣淚隨言滴

祭判書李公

隣徵文

惟靈受氣也厚賦性也確衣錦而絢蘊玉而礫皦皦
易汚燒燒易缺公不屑是讓賓居寀朝華悅目零不
待夕公不競此寒花晚節不為矜咳不為媚飾沉凝
質素季世難得曾是善慶曾是奕業曾是器度曾是

心德於焉駿發大闡黃甲薇垣玉署墳簞更迭 春
邸養正妙膺掄擇泚筆官屏嘉言炳若褒踰華袞秩
進排玉地親司喉春行有脚志存恬靜榮塗若怯治
務惴福恥為赫赫風波榮辱推分澹泊昭代優老位
躋卿月時有千紀義炳鷹逐但率同聲奪筆底劉席
豹信信鶴唳未徹壁彼橫沅砥柱其屹高枕桑榆門巷
羅雀錫衍其福芝蘭滿室洛社丹青韶顏華髮遑在
闕逢會成真率春臺烟月滿座霜雪海渥叟老遼陽
一鶴疇若茲會耆仙咸集詩箋雲委觥籌交錯昇平
勝事餘夢晨隔轉眄陳迹已成今日不免情癡如侯

時哭摩挲舊帖眼枯猶滴臨緋長訣庶歆此酌

祭判府事李公觀命文

惟靈白江令孫西河宗子天挺柱石克家趾美台閣
文衡乃其青氈三世四公忠義萃門嘻噫痛哉運丁
百六禍網彌天善類殆盡德門最偏公獨巋然陰相
者存流離竄逐若將終身否恭相承宣室虛席秉軸
贊化朝野拭目首明義理筵奏反復討復是主辭意
剴切不得則止退不終日憂國貞忱遜荒愈篤老圃
淡容晚節尤香終始一心靖獻先王嗚呼今歲
肅廟初年舊甲空回仙馭杳然靈閣越瞻耆臣涕

浹喬山過路靈應踟躕念昔少日連榜聯翩暮齡耆
社又此後先中間榮辱因不其同存沒之際倍切愴
悰哭奠一觴有淚盈臆不昧者存庶幾歆格

祭奉朝賀李公

台佐文

二五之稟間或完厚是必偉器衆福之囿天生我公
式賁其錫宏深其姿穎達其識懿乎其操粹然其儀
展如之人將大用之家庭詩禮厥有淵源襲芳承薰
增益所存沙老舊家咸曰有孫晚而大闡蓋老其材
蓄富而發進塗洞開藝苑瀛閣玉珮瓊裾藩鄴州符
嘉績殊譽才全器周何置不可有司之能非足多者

權衡克平苦甘是調蠻觸世界坐鎮浮囂公輔之具
經濟之需望實俱彰主知蓋殊白首黃扉人恨其
晚壽考康寧天祚其善希世至榮十載耆社晚節高
致幾年綠野黃耆舊德老圃秋香江湖亦憂有時封
章棋隣好叟又濟其美大門餘慶其無窮其人世來
去夜晝常理全福而歸公實何憾獨此後死存沒多
感蹇屯少日自愧駑馬伯樂之顧過期遠駕非意今
歲猥廁洛英尸素竊位實累鑑明謂陪耆筵同樂餘
齡赴燕歸路遽聞乘箕來拜靈帷但有涕洟壽社風
流已矣寂寞光塵莫攀撫舊增惻海曲新阡遠期且

迫病未執紼慙負深極引例來奠庶鑑哀曲

耆社志卷十六目

辛編一

社中文獻



五

卒

香林志卷十六

耆社志卷十六

豐山 洪敬謨 編

辛編一

社中文獻

耆社之為官司國初所設也公私文獻屢經
兵燹一時蕩然今所存者只是 御製廣和
帖題名記而已而廣和帖亦多遺失 聖朝
湛露之恩易至於泯而無跡寧不悚歎茲庸
并為採錄而耆英館所揭 三朝御製鈔範
附于下

己亥 御製詩帖

肅宗四十五年己亥四月宴耆老諸臣於景賢堂
賜銀盃以寵之有 御製七言律詩一篇及 仙
馭上賓之後始見於 御製中遂移書粧帖下附
御帖跋

癸未 御製廣和帖二

英宗三十九年癸未元朝祇謁 太廟歷臨 靈
壽閣奉審 兩朝御帖召見耆臣書下 御製一
句使各廣進耆臣廣和後 御製及廣詩繕寫粧
帖判中樞府事李鼎輔撰序

同年又下 御製耆臣賡和成帖

甲申大射禮帖

四十年甲申二月 上幸耆臣行大射禮降所御

彤弓彤矢 親書四言四句 命藏于本社耆臣

奉朝賀俞拓基等繕寫成帖大提學李鼎輔撰序

乙酉 親臨宣醢帖

四十一年乙酉八月 上幸 王世孫幸 靈壽

閣仍御于耆英館進耆臣宣醢 命文以記述一

入于內一八于 東宮一藏于耆司判中樞府事

李鼎輔撰序

己丑 御製廣和帖二

四十五年三月 上命耆老諸臣會譙于本社遣
承旨宣醢又賜詩賜帛諸臣以 御製首句老字
為韻廣和以進

是年五月 上詣 靈壽閣行展拜禮 命諸耆
臣入侍書下 御製摸揭于壁使各廣韻耆臣廣
進後繕書成帖知中樞府事南泰齊撰序

辛卯 御製本社諸臣殿景帖

四十七年十二月初十日 上命耆社諸臣親
行本社殿景於集慶堂各舉其筋力表健為題目

親自呼寫其上中下以寓證謫仍命藏于本社
以示來許

癸巳十二月十一日 上御集慶堂親行耆臣殿
最如辛卯例

右殿宸兩帖已酉改書以藏

壬辰

御製廣和帖五

四十八年正月初三日 上召見耆臣下 御製
七耆臣廣進成帖以頒之

二月二十八日

上幸

世孫親臨耆社受饌下

御製七耆臣廣進成帖以頒之

七月初九日 上召見耆臣以 御筆書下一句
詩諸耆臣廣進 命自耆社粧帖以進七耆臣齊
會本社粧帖陪進一帖藏于社判敦寧李益烜撰
序

十月二十一日 上御景賢堂行耆耆講下 御
製八耆臣侍講後廣進粧帖

十月二十二日 上受尊號頒禮下 御製諸耆
臣廣進頌帖

癸巳 御製廣和帖五

四十九年三月初三日 上行養老宴下 御製

諸耆臣廣和以進頒帖

是月初五日宣醢賜樂于耆社下 仰製諸耆臣

廣和以進頒帖

四月初一日 上幸耆老所召見耆臣下 御製

命三公九卿十一耆老廣進又 命粧帖頒之

七月二十九日 上幸耆老所受進饌下 御製

諸耆臣廣和以進頒帖

九月十三日 誕辰 上召見恭候班諸臣製下

抑箴命廣進諸耆老亦廣進粧帖以頒

耆社帖一冊

癸巳四月初六日宣福于耆社諸耆臣奉箋謝恩
上召見命各述其年齒踐歷如古人自叙之例耆
臣十七人應命製進上下御製序并于首令
芸閣刊印成書以頒之以爲垂示永久之圖
社無所藏已酉改書以貯

甲午

御製廣和帖

五十年正月十七日

上召見耆社諸臣宣福後

下

御製諸耆臣廣進莊帖頒之

乙未

御製廣和帖

五十一年二月十七日

上召見耆社諸臣下

御製諸耆臣即席廣進莊帖頒之

六月初四日

上召見耆社諸臣下

御製諸耆

臣廣進莊帖頒之

癸丑

御製詩軸

正宗十七年十二月

上以

英廟癸巳親行耆

臣考績之例

命行耆社貶坐又

命度支供煖

飽之需依癸巳例設各品粥下

御製七言絕句

一首以粥字為韻此亦癸巳舊韻也諸耆臣廣和

書揭于壁內下詩軸與諸廣和帖并藏于社

御定八瑞錄二冊

正宗十九年甲寅編成

孝社題名記三冊

一是潛谷金公墳所編一是夢漁徐公文重校編
一是陶谷李公宜顯改編也

重訂題名記三冊

三州李公光正改編

慶會圖像十六帖

肅宗己亥為始 英宗甲子甲戌癸未戊子癸巳

甲午 正宗辛丑甲辰丁未甲寅 純宗辛未丁

丑壬午辛卯 當子乙巳十六帖也

圖像目錄一冊

耆社慶會曆一冊

奉朝賀徐命膺所編

耆社志八冊

判敦寧洪敬謨所編

舊式例二冊

改式例一冊

膳錄三冊

耆社致祭文一冊

肅宗御製詩鈔籠

庚子四月 親臨景賢堂耆老諸臣錫宴日 御

製七言律詩

英宗 御製詩鈔籠

甲子九月八耆社日 御製做大風歌

英宗 綸音鈔籠

丙子七月召見耆老諸臣日 綸音

英宗 御筆鈔籠

戊寅十一月召見耆老諸臣面賜 御筆

英宗 御製御筆鈔籠

庚辰正月面賜耆府諸臣 御製御筆

英宗綸音鈔籠

庚辰十月召見耆臣勲臣興懷 御製

英宗御製詩鈔籠

己丑三月宣醢於耆社書下 御製四言詩六句

英宗御製詩鈔籠

己丑五月 靈壽閣展拜日書下 御製詩二句

正宗御製詩鈔籠

癸丑耆社考績日書下 御製七言絕句

耆臣賡進詩版

即考績日賡和 御製諸臣詩



